

# STEFANS TSCHUTTI-LIÄDLI

Eine git's wo gar neyd bringd  
Und ohni Glick am Ball na springd  
Wo alls misslingd  
Das bin ich!

Vom gleyche sägid's allig scho  
Seys Spiel seyg es Risiko  
Und dä wo's meinid  
Das bin ich!

Wer stahd bim Wähle am Schluss elei  
Wele hed zwei linggi Bei?  
Was meinsch wer's isch?  
Das bin ich!

Wer gsehsch am Rand vom Tschuttiplatz  
Und isch – we immer – nur Ersatz  
Und wer's jetz nu nid weiss:  
Das bin ich, nateyrlich ich!

Wem chund bim Tschtte de Ball i Wääg  
Und wer bringd nume Fählpäss z' wääg  
Frag nid, ich säg drs, das bin ich!

Wer stahd vor em lääre Topf  
Und schiessd de Balle i füfte Stock  
Sicher, aber sicher: Das bin ich!

Wer schiässd es Goal,  
aber vergässe hed,  
dass nach dr Paise  
d Seyte gwächsled hed  
Typisch, eifach typisch –  
Das bin ich!

Wer gribled drheime  
Z Nacht im Bett  
Und fragt sich,  
ob er here tschutte sett?  
Das isch doch klar,  
das bin ich, nateyrlich ich!

Wer gid mier s Duschituäch  
Wenn ich s vergiss  
Und vergäbe suech?  
Das macht nur eine –  
Das bisch dui!

Wer hed vor em Training scho  
Mid mier schnell d Uifzgi dure gnu?  
Es gid nur eine – das bisch du!  
Wer teild mid mier de Paisetee,  
wenn's nid längd und es hed nid meh?  
Ich känn' nur eine –  
Und das bisch dui!

Bi wem sind d Fähpäss nid so schlimm?  
Bi wem stahd d Mannschaft hinder ihm?  
Wer isch eyse Frind?  
Das bisch dui – jawohl grad dui!

Wer isch das, wo nid nur sett,  
sondern s macht und zämehed?

S' isch eysi Mannschaft –

Das sind mier!

Bi wem fihl ich mich eifach wohl?

De schiässd er alligs Eigegoal.

Nid so wichtig – das sind mier!

Bi wem gid's viel es grössers Ding  
Als Pinkt und Rang und gwunneni Spiel?

S isch dr SCB – das sind mier!

Bi wem isch s Wichtigscht ganz elei

Das mier Fräid am Tschutte hei.

Alles klar? Das sind mier:

Dr SCB – und das sind mier!